

Na osnovu člana 257. tačka f), a u vezi sa članom 303. stav (1) Zakona o privrednim društvima („Službene novine Federacije BiH“, br. 81/15 i 75/21), člana 30. tačka o) i člana 53 stava (2) Statuta KJKP „RAD“ d.o.o. Sarajevo-prečišćeni tekst, br. 1498/23 od 20.01.2023. godine, Nadzorni odbor na 22. hitnoj sjednici održanoj dana 29.11.2023. godine, donio je

**ODLUKU**  
**o imenovanju vršioca dužnosti izvršnog direktora za**  
**poslove javne higijene i održavanje javnih saobraćajnica u**  
**KJKP „RAD“ d.o.o. Sarajevo**

**I**

Fahrudin Tinjak, prof.soc. imenuje se za vršioca dužnosti izvršnog direktora za poslove javne higijene i održavanje javnih saobraćajnica u KJKP "RAD" d.o.o. Sarajevo, počev od 04.12.2023. godine.

**II**

Vršilac dužnosti iz tačke I ove Odluke imenuje se na period do 6 (šest) mjeseci ili do okončanja konkursne procedure.

**III**

Vršilac dužnosti iz tačke I ove Odluke ima sva prava i obaveze koje pripadaju članu Uprave KJKP "RAD" d.o.o. Sarajevo utvrđene Statutom KJKP „RAD“ d.o.o. Sarajevo.

**IV**

Za vrijeme vršenja dužnosti izvršnog direktora Pogona javna higijena i održavanje javnih saobraćajnica u KJKP "RAD" d.o.o. Sarajevo imenovanom pripada mjesečna neto plaća (osnovna plaća) koja iznosi 2,50 (dvije i pedeset) prosječne neto plaće isplaćene u Federaciji u predhodna tri mjeseca, prema posljednjem objavljenom podatku Federalnog zavoda za statistiku, koja se uvećava po osnovu minulog rada u skladu sa normativnim aktima Preduzeća.

**V**

Prava i obaveze vršioca dužnosti izvršnog direktora regulisat će se posebnim ugovorom u skladu sa Statutom Preduzeća.

**VI**

Odluka stupa na snagu danom donošenja, a primjenjuje se od 04.12.2023. godine.

***O b r a z l o ž e n j e***

Nadzorni odbor KJKP „RAD“ d.o.o. Sarajevo je na 22. sjednici razmatrao tačku Dnevnog reda Imenovanje v.d. vršioca dužnosti izvršnog direktora za poslove javne higijene i održavanje javnih saobraćajnica u KJKP "RAD" d.o.o. Sarajevo, obzirom da dosadašnjem v.d. izvršnom direktoru za poslove javne higijene i održavanje javnih saobraćajnica u KJKP "RAD" d.o.o. Sarajevo Tinjak Fahrudinu mandat ističe sa danom 03.12.2023. godine.

Nadzorni odbor je na sjednici održanoj dana 02.06.2023. godine, u skladu sa članom 48. Statuta KJKP „RAD“ d.o.o. Sarajevo, prokrenuo proceduru raspisivanja Konkursa za izbor i imenovanje direktora KJKP „RAD“ d.o.o. Sarajevo i Konkursa za izbor i imenovanje članova Uprave KJKP „RAD“ d.o.o. Sarajevo,.

Preduzeće je po prijedlogu Nadzornog odbora dana 12.06.2023. godine uputilo Zahtjev, br. 11260/23 Ministarstvu komunalne privrede, infrastrukture, prostornog uređenja, građenja i zaštite okoliša KS, sa naznakom da dostavi prijedlog jednog člana i jednog zamjenskog člana Komisije za izbor i imenovanje direktora KJKP „RAD“ d.o.o. Sarajevo, kao i prijedlog jednog člana i jednog zamjenskog člana Komisije za izbor i imenovanje članova Uprave KJKP „RAD“ d.o.o. Sarajevo, a koji će ispred Ministarstva provoditi konkursnu proceduru.

Obzirom da Ministarstvo komunalne privrede, infrastrukture, prostornog uređenja, građenja i zaštite okoliša KS nije odgovorilo na prednji Zahtjev, dana 04.08.2023. godine Preduzeće je, na zahtjev Nadzornog odbora, uputilo Urgenciju, br. 14625/23 za rješavanje naprijed navedenog Zahtjeva.

Ministarstvo komunalne privrede, infrastrukture, prostornog uređenja, građenja i zaštite okoliša KS nije odgovorilo na prednji Zahtjev i Urgenciju Preduzeća, te je ponovo, po zahtjevu Nadzornog odbora, dana 13.09.2023. godine upućena Urgencija, br. 16933/23 kojom se od Ministarstva traži dostavljanje prijedloga jednog člana i jednog zamjenskog člana Komisije za izbor i imenovanje direktora KJKP „RAD“ d.o.o. Sarajevo, kao i prijedlog jednog člana i jednog zamjenskog člana Komisije za izbor i imenovanje članova Uprave KJKP „RAD“ d.o.o. Sarajevo, a koji će ispred Ministarstva provoditi konkursnu proceduru.

U narednom periodu Preduzeću nisu dostavljeni članovi Komisije od strane Ministarstva zbog koje činjenice Nadzorni odbor, u proteklom periodu, nije imao mogućnost da, u skladu sa članom 48. Statuta KJKP „RAD“ d.o.o. Sarajevo, raspiše i provede konkurs za izbor i imenovanje članova Uprave KJKP „RAD“ d.o.o. Sarajevo.

U trenutku održavanja 22. hitne sjednice Nadzornog odbora, a nakon imenovanja nove Vlade Kantona Sarajevo, realno nema vremena za raspisivanje i provođenje konkursa do 03.12.2023. godine, a kada ističe mandat v.d. izvršnog direktora za poslove javne higijene i održavanje javnih saobraćajnica, te je Nadzorni odbor stava da se Tinjak Fahrudin ponovo imenuje za v.d. izvršnog direktora za poslove javne higijene i održavanje javnih saobraćajnica, obzirom da isti posjeduje znanja i sposobnosti neophodne za obavljanje ove funkcije, te da ima ukupno 6 godina i 3 mjeseca radnog iskustva na funkciji izvršnog direktora za poslove javne higijene i održavanje javnih saobraćajnica.

Na osnovu svega iznesenog, a u cilju kontinuiteta rada i funkcionisanja Preduzeća, uz obavezno raspisivanje konkursa za direktora i članove Uprave KJKP „RAD“ d.o.o. Sarajevo, odlučeno je kao u dispozitivu ove Odluke.



predsjednik Nadzornog odbora

Redir Sulejmanovic, dipl. ecc

**DOSTAVITI:**

- Imenovanom
- Nadzornom odboru
- Skupštini Preduzeća
- Ministarstvu komunalne privrede, infrastrukture, prostornog uređenja, građenja i zaštite okoliša
- Sektoru za ekonomske, pravne i opšte poslove
- a/a